

第七六〇册

經濟彙編

戎政典

兵餉部

屯田部

馬政部

(卷)

三頁—四〇

四一—四六

四七

古今圖書集成

中華書局影印



古今圖書集成

卷一百一十五

欽定古今圖書集成經濟彙編戎政典
第二百三十八卷目錄

兵餉部彙考四

明三 孝宗弘治十則 武宗正德十三則 神世
宗嘉靖三十八則 穆宗隆慶六則

戎政典第二百三十八卷

兵餉部彙考四

明三

孝宗弘治元年定山東沿海月糧本折各半又唯冬衣布花之例

按明會典凡月糧弘治元年令山東沿海衛所官軍月糧上半年支本色下半年折包每石折銀二錢五分 又按會典弘治元年題准冬衣布花在京差給事中御史等官四員南京差給事中御史等官三員分投散給完日各將臨賞扣除布花錠鈔分送五府經歷司及親軍衛所送各衛掌印官處照數秤驗明白發庫收貯以待下年轉賞俱定限本年十月以裏關給兌足不許過期原委官員造冊復命各存青冊一本送本衙門收候次年差官會賞之時交與各官查對扣除數目給散其直隸并山西陝西萬全大寧遼東都司衛所各有巡撫巡按并管糧郎中等官見在合行各官就彼提督都司會所委官唱名給散畢日各另造冊奏繳在京在外提調給賞委官務要用

心關防禁革姦弊俾各軍士均沾朝廷實惠布花鈔錠不致短少如有侵欺借貸抵換及遲延至本年十二月終不行造冊關支有誤軍士禦寒者就將該賞布花鈔錠照本部題准事例俱各住支仍將該旗吏人等拿問如律干礙職官指實奏提問
弘治二年定各軍匠月給及奏准沿邊征哨等軍行糧

按明會典凡月糧弘治二年令尚寶監選到錦衣衛軍匠幼丁月支米一石 又令交趾人兵仗織染局上工者月支米一石 又令御馬監養鷹餘丁月糧添爲五斗 凡行糧馬草弘治二年奏准沿邊各衛所征哨并按伏備堡等項官軍由百里之外者俱日支口糧一升五合都指揮與把總等官日支廩米三升備禦官軍日支行糧一升七合馬日支料三升草一束在營草料住支如在百里之內起關溫支廩米行糧口糧者聽巡撫巡按官參奏

弘治三年令萬全衛所俸糧折色照大同例
按明會典凡月糧弘治三年令萬全都司所屬衛所官軍俸糧折色照大同例每年會計山東河南并大名等府稅糧折布戶口食鹽鈔錢摘撥解赴管糧官處支給

弘治四年革留守各都司及南直京操軍行糧
按明會典凡行糧馬草弘治四年革中都留守司各都司并南直隸衛所京操官軍沿途口糧如有私起關文支給及買頭人等通同有司驛分官吏應付者領班管操官員調發邊衛差旗軍及有司驛分俱坐盜支官糧罪

弘治五年准以薊州庫銀折給布花
按明會典凡月糧弘治五年題准將薊州庫貯銀內布一疋折銀二錢五分花一斤折銀七分給軍自買弘治九年定內外帶領關支人數
按明會典凡行糧馬草弘治九年令各邊內外官帶領關支廩給口糧頭目鎖守不過五名分守并守備不過三名

弘治十三年嚴詭名占竊糧買召納之律
按明會典凡糴買召納弘治十三年題准凡各邊召商上納糧草若內外勢要官豪家人開立詭名占竊轉賣取利者問發邊衛充軍干礙勢豪參究治罪弘治十五年議准遼東糧米折色及差官查盤鹽利贓罰銀兩

按明會典凡月糧弘治十五年議准遼東米貴軍士月糧折銀每石加銀三錢五分共放銀六錢至次年七月照舊關支 又議准遼東官軍俸糧自十六年正月以後年分俱銀米間月關支 凡收掌支放弘治十五年令各邊除庫藏銀兩有添注注銷事例外各該巡撫衙門及有自行處置鹽利冠帶贓罰紙米等項銀兩就委各該守巡官管理出納附寫卷簿用印鈐蓋只許軍門賞功修城器械等用不許別項花費三年一次差科道官查盤

弘治十七年奏定各項月糧及邊關召買之例
按明會典凡月糧弘治十七年奏定榆林等各營堡夜不收每名每月於月糧之外加二斗如糧不敷給銀一錢 又令內府親招局匠廚役原支月米一石各減三斗 又議准寧夏衛靈州千戶所土達旗軍

并選壯丁備冬俱支米五斗 凡糴買召納十七年議准黑谷關曹家寨有警關糧不便就彼召買米豆收貯本營見空官屋委千百戶一員掌管遇警支用若過三年支未盡數放與本營及附近軍馬另行照數改撥每三年一次以陳易新

弘治十八年議減內府南京各匠役支給又令查勘遼東各項軍月糧布花及出征行糧之例

按明會典凡月糧弘治十八年議定內府各色舊役軍匠每名減米三斗 又令南京送船餘丁各色匠役人等每月口糧減半支給 又令查勘遼東各該達官頭目鄉導其歸附并子孫代役者俱照例食糧

二石其年遠無查係鎮巡等官收充者與軍士一體食糧一石并賞賜布花子孫願繼者聽不願者就與除餘正軍守臺者止支月糧一石免支口糧餘丁守臺者與舍丁一體支行糧四斗五升賞賜布花半分

凡行糧馬草十八年令今後如有出戰夾帶私馬及虛報駁馬者聽巡撫管糧官員將冒支軍人問擬侵盜官糧罪名該支行糧馬草如勒要新米將草束倚勢亂搶作踐者以那移出納打擾倉場論罪仍將把總等官指實叅究

武宗正德元年定內外衛所放糧違限之例又題准將宣府等各路分三等量加折銀

按明會典凡月糧正德元年令在京在外各衛所坐委放糧官遇勘合到倉即率令軍赴倉開給如有故意推調以致違限四十五日之外者將委官及本衛掌印倉書首領官吏應支俸糧查照違限日期扣除入官各該官軍月糧仍令本衛另委的當官員監放

若各該軍士果有延挨情弊照例一體扣除 又題准將宣府北路獨石馬營青泉雲州鎮安鎮軍等堡孤懸口外及大同右衛霜旱地寒為一等每石比常量加折銀不過七錢四海治赤城龍門鵬鶚滴水岷金家莊并中路葛峪等堡西路萬全左右懷安等衛沿海洗馬林柴溝堡西陽和大同左威遠平固井坪懷仁等衛所并二鎮倉城陽和天城為二等每石不過六錢朔州應州渾源山陰馬邑蔚州廣昌順聖州東西二城保安懷來隆慶永寧為三等每石不過五錢 又題准白羊口新添舍餘通取回衛食糧五斗

正德三年罷送各邊年例銀兩

按明通紀正德三年冬罷送各邊年例銀兩邊儲因是益缺蓋自成化間開設榆林衛巡撫余子俊增置城砦陝西民供不繼奏送江南折糧銀以補不足然初亦依江南原折銀例每米一石折銀二錢五分放支軍士其後大同等邊缺乏亦暫送銀補足數皆不多未有以萬計送者至弘治間戶部尚書葉淇奏改商人赴邊納糧中鹽之法令納銀運司解印分送各邊自此各邊始有年例銀兩多至數萬其實不過以補商人赴邊上納之數耳然送銀各邊而邊方米價湧貴市糶艱難不如商人報中上納本色之為得實益也今革罷之邊儲安得不缺

正德四年准隆慶衛管匠照京匠關支又以准開船料撥泗州月糧及山東河南等秋糧赴邊納銀

按明會典凡月糧正德四年奏准隆慶衛軍士係內官監營辦匠者月米每月另造小冊送部照依京匠定撥倉廩關支遇放折色銀兩一體施行布花仍在

該衛關支 又議准泗州衛久缺月糧將淮安鈔關船料本年秋冬二季暫令折銀就留本處給軍 凡撥運本色正德四年議准宣府坐派山東河南北直隸司府州縣秋糧照舊徵本色赴部倒文徑赴本邊上納年例銀兩照舊解送彼處各商糴買

正德五年准延綏墩軍每日給糧

按明會典凡月糧正德五年議准延綏鎮墩軍除月糧一石外比照夜不收事例每日給米一升或與折銀如不在墩免給

正德六年定涿鹿二衛旗軍月糧折色錢鈔及陝西邊糧照價糴買

按明會典凡月糧正德六年令涿鹿二衛旗軍未開月糧折色錢鈔弘治十五年以前每米一石折鈔十貫弘治十六年以後每米一石折鈔二十貫每鈔一貫折錢二文於涿州庫積有包兒布疋銅錢皮張衣服等物計鈔估計折支東勝右等衛亦照前例於永平等府大潤等四庫關支 凡糴買召納正德六年議定陝西起運各邊糧草照依時價解銀糴買上納

每州縣各委佐貳官或首領一員管押每府佐貳官一員總理

正德七年奏准四川江西遼東等處年例賞賜又定徐州德州等官軍月糧及邊軍行糧之制

按明會典凡賞賜正德七年奏准四川都司威州守禦千戶所上班守備關堡等項旗軍每年冬給綿布一疋綿花一斤於布政司折糧銀內支給其在操備守城等項雜差老幼旗軍照例每十年一次賞綿布二疋綿花二斤 又令江西復功官軍民兵人等應

賞絹布鈔錠如有不敷照例每絹一疋折銀五錢綿布一疋折銀二錢五分鈔一貫折銀三釐補給其陣亡事故者給家屬領 又令遼東年例賞賜軍士每布四疋花一斤八兩共量添銀二分五釐連舊共銀九錢待後海船完日照舊運給本色 凡月糧正德七年議准徐州官軍月糧將本州稅課司正德五年十月起至六年十一月終止課鈔銀兩除額徵正銀外見在附餘銀一千一百二十五兩一錢照彼中時值給散 又議准德州二衛官軍將常豐倉查盤出廠底附餘粟米并上年寄囤附餘糧米給放一月 又奏准遼東苑馬寺養馬軍人以後月糧照舊全支 凡行糧馬草正德七年令動調京邊官軍照依支給糧料草束其各該存操官軍必係總督提督官會調隔別地方截殺方許支給若本處防守本等月糧外不許妄支

正德八年奏准德府官校保定旗軍月糧又遼東軍年例布花及起解遼東軍口糧 按明會典凡月糧正德八年奏准德府官校月支本色糧八斗折色二斗 又議准保定五衛旗軍缺糧將保定府預備倉粟穀每穀一石准糧一個月仍將各軍月糧銀兩扣發該府羅買還倉 凡賞賜正德八年令遼東軍士見調山東操守者年例布花就於山東該運數內關支有不帶家小願將一半仍在遼東關支者聽 凡軍丁口糧正德八年題准凡有司起解遼東軍千里外者查例另給關文一道關行所在官司給與軍丁口糧若至七八千里遠者從寬添給妻小口糧關內亦就開寫明白以備查照倘軍丁病

故告驗明白者妻小仍給口糧回籍 正德九年議准各邊軍官開報錢糧又奏改陝西諸府糧折解

按明會典凡收掌支放正德九年議准腹裏錢糧到邊預行守土領軍官員開報多則五日一次少則十日一次量撥軍馬護送違者參究治罪錢糧既收甲取通關填給未全完者陸續給與印信實收或倉鈔執照

按明通紀正德九年十一月整理陝西糧儲戶部侍郎馮清奏改西安延綏慶陽等府糧草皆徵折色銀兩解邊

正德十年題准軍士冬衣布花折色

按明會典凡賞賜軍士正德十年題准本部將節年收貯湖廣江西并徽州府綿布芋布折收銀兩賞賜軍士冬衣布花每綿布一疋折銀三錢芋布一疋折銀二錢綿花絨每斤折銀五分

正德十一年定各項軍人關支月糧

按明會典凡月糧正德十一年令京通二倉軍斗准給月糧 又令將撞門軍士餘丁糧米准間月關支

又令燕河營一片石等營關今後軍士月糧上半年關支本色下半年關支折色該支本色者俱於鄰近倉分坐支如遇米賤一時缺少不敷亦通融間月銀米兼支 又奏准涇府官吏軍校人等該支本色俸糧每石照初到年例折銀四錢

正德十二年定各軍士月糧支給之例

按明會典凡月糧正德十二年令吉府軍校月糧照德徵等府事例每月各支與本色八斗 又令各該

坐營把總并漕運把總等官如有官軍在逃者即時從實開除仍咨戶部各該有司分照在逃日期住支糧米其山西陝西遼東四川等各邊衛亦俱照例開報撫按官查究勾取 又令在京各營衛關支月糧先將查糧文冊分別舊管新收開除實在造送本衛該衛查算無差方許造報俱限前月二十五日以前送部以憑查考坐撥若遲限至二十日以後及關內姓名數目仍前不同者經管官吏聽戶部參送法司究問其在外京操官軍口糧文冊亦要預先開送各府經歷司照前造送不許違錯 又令衛府官軍旗校人等月糧如遇放支折色每米一石折銀四錢每銀一錢折錢七十文該支鈔貫如放折色亦定適中價值不許虧欠 凡賞賜十二年令防守古北口白羊口黃花鎮官軍每名各賞銀一兩

正德十五年奏准山東布花照例折徵

按明會典凡賞賜正德十五年奏准山東該解山海庫本色綿布登州府庫海運遼東綿花自本年始并以前拖欠之數照例每布一疋折銀三錢花一斤折銀五分并該用腳價徵完解部轉發遼東給散

正德十六年定長陵正軍及內府軍匠月糧之例

按明會典凡月糧正德十六年令長陵等衛正軍月糧照京城九門撞門軍事例關支本色 凡官軍匠役俸糧正德十六年詔內府各監局軍匠有丁盡戶絕名伍不除冒支月糧者戶兵工三部盡行查革世宗嘉靖元年定內外各軍月糧本色折色之例 按明會典凡月糧嘉靖元年令各該衛門將官軍人等每年九月分俸糧除錦衣等七十二衛軍匠人役

原舊關支折色外其在京各衛所并各監局等衙門官吏旗軍人等正月至七月俱照舊放支本色八月至十二月係收成積聚之時每季終支與一個月折色價銀候兌軍折銀將盡每年照舊全放本色 又議准古北口倉糧缺乏該邊官軍除折色照舊四錢五分外加遇放本色月分即於四錢五分加銀二錢聽其自買候夏秋收成價值稍平仍召商糴買米麥務足半年支用 又議准成都利州等二十七衛所上班餘丁屯田每月糧米量減二斗五升并行糧共支月米一石其餘下班屯軍濫支月糧盡行裁革 又議准將易州鎮該管十倉口衛所官吏旗軍應支月糧本折開月關支折色仍照前例每石折銀四錢五分本色聽委官召買支用 凡解運折色嘉靖元年議准薊州官軍月糧久缺將順天府原派薊州庫後改京倉草束折銀除已納外其餘續到者自本年為始俱發薊州補放仍派存留數內每束折銀二分五釐解薊州庫納 嘉靖二年奏准紫荆關千戶所屯糧改納易州又徽州上班官軍行糧在本府關支折色及定淮安等處各軍口糧 按明會典凡撥運本色嘉靖二年奏准紫荆關中千戶所屯糧黑豆原派保定府倉上納者自二年為始照數改撥易州新城倉上納 凡行糧馬草嘉靖二年議准南京倉糧缺乏戶部轉行徽州等府新安等六衛上班官軍行糧自本年七月為始俱在徽州等府關支折色就行管軍官通領到京按月支給候積有京儲之日另行議處 凡月糧嘉靖二年議准淮

安等衛所官軍月糧將兩淮運司見貯餘鹽銀內量支三萬兩淮揚二處鈔關船料再准折銀一年約勾銀三萬餘兩通融酌補仍行巡撫南直隸河南都御史將所屬府州縣原坐派鳳陽揚州徐淮等倉各年未解米麥州縣催徵每石量准折銀七錢解赴各倉接濟其淮揚二處鈔關船料至四年以後仍舊兼支錢鈔解京 又令湖廣巡撫將各衛餘丁凡遇上班運糧戍邊俱同正軍月支米八斗下班同衛支米五斗其在衛城操聽差等項餘丁支米三斗 又令偏頭所遊兵按伏不出百里外者照各邊例免給口糧其本所官軍月糧每石量增價銀五分寧代遊兵每斗量增價銀一分 嘉靖三年議准貴州站軍按伏兵馬月糧及各衛軍布花折色 按明會典凡月糧嘉靖三年議准貴州站軍自興隆至貴州在城十站路兼兩省者每月各加糧二斗其迤西至雲南路通一省者每月各加糧一斗 又奏准各邊有警按伏兵馬支過糧料照舊免扣月糧 凡賞賜嘉靖三年令各衛所軍士年例布花本色不足照例每布一疋折支銀二錢五分 嘉靖五年定鎮雄府撥運糧數又准全給密雲以東衛軍布花 按明會典凡撥運本色嘉靖五年令四川鎮雄府額運烏撒倉糧每年准除三百八十石作官吏俸糧其餘盡數支與守禦官軍如有不敷就於土官租布內補支 凡賞賜五年奏定密雲以東衛分軍士歲給冬衣布花本色或折色俱全數給與

嘉靖六年題准快船小甲月糧又定各大戶運送真定衛分官軍布花及遼東夜不收行糧 按明會典凡官軍匠役俸糧嘉靖六年議准快船小甲該造船隻之年與工之日即與食糧以助工食之費其小甲餘丁若有逃故及改差者該衛即與食補兵部移文戶部關支月糧 凡收掌支放嘉靖六年詔德州常盈倉收納山東河南二布政司解到花絨每年給散真定等一十八衛官軍戶部會派之時查照每衛該領布花數目就令各大戶運赴各該衛分附近州縣上納以便給散 凡行糧馬草六年議准遼東鎮夜不收以後年分月給行糧二斗 嘉靖七年題准各路官軍月糧分本折給銀又起運山西河東銀米 按明會典凡月糧嘉靖七年題准薊倉海運糧米折放西路官軍月糧各省解到民糧貯各關營以備緊急其海運民納折色銀兩通融放支東中二路官軍月糧照在邊者本色月分每石給銀五錢五分折色月分每石給銀四錢五分在衛者不拘時月每石給銀四錢 凡撥運本色七年奏准將山西原掣回民糧一十六萬五千三百五十五石起運宣府河東運司鹽價銀八萬九千三百五十兩照舊仍解山西 嘉靖八年定各軍月糧本折對半支給之例又定江北直隸衛所局匠月米及各軍行月糧數目西安解運腳價銀兩 按明會典凡月糧嘉靖八年議准天下王府總小旗校尉軍匠廚役樂舞生醫獸樂戶樂工并紀錄幼疾軍校等項月米除三斗原支本色并折色各一半者

俱照舊外其全支本色并三七八二八本折兼支者俱要本折色對半支給永爲定例 又題准江北直隸衛所局匠俱准在京各監局例月支米五斗如造作違限不完扣月住支 凡官軍匠役俸糧八年議准行月糧數目操備總小旗大教場軍士校尉管黃船軍守衛軍運糧軍餘中府直廳軍造黃船旗軍管快船軍正伍黨軍內官撮造軍漢府軍御馬監軍守備廳軍兵仗局軍守各門軍修倉軍司牲司軍火藥局軍靜園廠軍孝陵直宿進山栽種等項軍原額養牛差選寄大教場操軍撥船廠識字軍鐘鼓樓夜巡軍御馬監養馬軍管抽分果品總旗在養養馬軍龍亭校尉免差女戶軍長巡軍瑞璫露軍看韓王墳總旗校尉司苑局軍各每月食糧有妻母一石隻身六斗司苑局戊字庫兵仗局織造局御用監巾帽局針工局內官監并養乳牛各軍匠每月食米有妻母八斗隻身四斗八升操備舍餘上操支米四斗下操住支送船餘丁月支米五斗各倉軍斗月支米三斗疾軍幼軍月支米三斗修倉餘丁月支米一斗光祿寺廚役有妻六斗無妻三斗鹽引匠月支米三斗鈔匠月支米二斗五升教坊司俳色長月支米六斗樂戶月支米五斗上元江寧二縣老幼軍人月支米六斗內織染局兵仗局司禮監內官監民匠及神帛堂人匠月支米三斗黃船快船短差二個月每名支行糧六斗長差半年預支月糧六個月行糧不支鎮江滁州新安建陽安慶宣州等六衛上班操備官軍口糧每員各月支米四斗俱南京倉支巡江官軍口糧沿途支給 凡解運折色八年題准西安府等應解

甘肅糧糧免其民運每糧一石徵腳價一錢連糧折銀布交收府庫候收銀至二萬兩布至二千正分守道委官一員於前脚價銀內官給銀二十兩令沿途遞運所起車軍衛有司撥軍快防護運至蘭州管糧官處查驗仍照舊例每銀二千兩布一百六十正運至甘州廣盈庫者各脚銀三兩八錢運至京州廣儲倉者一兩二錢亦於前脚價銀內支給係西寧等六衛所倉分者解赴西寧道參議處係山丹九衛所倉分者解赴甘肅管糧僉事處各交收內支剩脚價銀兩每一次以十分爲率將七分作正支銷每遇民運銀兩羅買本色色運接濟該運脚價亦在數內支取三分修理倉廩悉聽巡撫稽查 嘉靖九年議准和陽軍布正附應天關支又定河南諸府折色絹銀 按明會典凡賞賜軍士嘉靖九年議准和陽衛寄操旗軍每年應支冬夏布正附造應天衛冊以便關支 凡解運折色九年題准河南直隸真大順等府原派納真定定州二庫絹每疋折徵銀七錢闊白綿布每疋銀三錢 嘉靖十年題准米貴之年分別本折奏請又定鳳陽等倉放糧諸例 按明會典凡月糧嘉靖十年題准各邊軍士月糧除常歲各照舊例折放外若年荒米貴將各倉庫收貯并各該民屯應徵糧料分別本折色及軍士月支數目通查奏請議處 凡官軍匠役俸糧十年題准鳳陽等倉場監督糧料主事今後遇該放糧行各衛所造實支支冊唱名驗放其有開稱京操而在京潛住

并原籍取計軍裝者不許管隊官識領銀候在京營逃單到日查果依時赴操將應得月糧另造文冊待各回衛補給如在逃除已解京罰班者不究外其餘即係詭名不准支給仍於指揮名下定坐贓追問 嘉靖十一年題准陝西夏稅秋糧徵折銀兩專官催價又加給邊軍行糧及南京鈔匠倉糧 按明會典凡解運折色十一年題准陝西布政司如遇起運三邊錢糧照依舊例夏稅每石徵銀九錢秋糧每石徵銀一兩依期起解 凡管糧專官嘉靖十一年題准陝西撫按官定委布按二司堂上官一員照依河南山東總部事例前去延緩等處駐劄專一催餉錢糧以備接濟 凡行糧馬草十一年題准沿邊各鎮從征軍士遇敵戰守及緊急哨探者行糧每日加給五合 凡官軍匠役俸糧嘉靖十一年議准廣惠天財二庫并寶鈔司鈔匠分爲二班上班食糧下班住支週而復始如事故有缺許於各戶餘丁內選補其內官監煎鹽鋪戶量畱一十七名備春冬二季煎造供用餘俱革回當差 嘉靖十二年題准山東河南起解折銀 按明會典凡解銀折色嘉靖十二年題准山東河南歲派保定府廣盈倉本色米麥每石徵銀八錢解保定府自行名買 嘉靖十三年議准遼東餘丁廣東屯軍等月糧又准四川重叙二府折銀及征軍行糧之例 按明會典凡月糧嘉靖十三年議准遼東沿邊諸堡守軍餘丁月糧年例與正軍一體關支 又題准廣東廣州左等六十一衛所屯軍上班征調月支糧一

石仍支行糧四斗五升下班若令操守支糧八斗若回屯種截日住支 凡解運折色十三年題准四川重叙二府原派貴州未寧倉糧米每石折銀三錢五分解貴州布政司庫交收給與畢節烏撒等衛官軍

凡行糧馬草嘉靖十三年題准總兵官遇有聲息出兵按伏截殺之日先將人馬數目造冊用印信明文送撫按巡關衙門及管糧郎中處方許動支行糧馬草其原支月料截日住支事完照舊

嘉靖十四年議准溫處餘丁口糧及甘肅等衛布花銀兩

按明會典凡月糧嘉靖十四年議准浙江溫處二衛見操餘丁上操月分每名量給口糧二斗歇操住支

凡賞賜十四年議准甘肅延寧固原等衛所官旗俸鈔布花等項銀兩本布政司徵收每項差官限九月以裏解赴守巡兵備等道轉發給散不許委衛官倒文各府關領以致展轉侵漁

嘉靖十五年題准福興萬全等軍以鹽鈔商稅魚課銀通融給糧又以年例鹽銀分貯邊城及大潤庫歸併薊州

按明會典凡月糧嘉靖十五年題准福興漳泉四府福州左等衛萬安等所旗軍月糧折色鈔銀將各府州縣官吏支剩鹽鈔商稅魚課等銀通融放支 凡

糴買名納嘉靖十五年題准各邊年例鹽銀每年正月以裏查照常數奏差官解送該鎮交割乘時召買本色糧料分發緊要城堡倉分收貯永為定規 凡

收掌支放十五年令薊州管糧郎中將原派未平府大潤庫錢糧歸併薊州庫收受

嘉靖十六年議准太常犧牲軍役月糧及陝西直隸各省撥運解運之例

按明會典凡月糧嘉靖十六年議准太常寺廚役并犧牲所官軍原支通倉月糧改於京倉關支 凡撥運本色十六年議准慶陽府所屬州縣糧草仍派寧夏其西安鳳翔府所屬州縣糧草仍派榆林各照舊徵納寧夏倉場每遇慶陽軍戶納糧完日給與印信小票赴池聖鹽無票者不得濫給 凡解運折色十六年題准今後直隸山東山西河南等處原派納萬全都司宣府等二十一衛所併萬億庫隆慶衛倉涿州庫德州常盈庫折銀布疋每疋折銀三錢解部轉送該庫收貯

嘉靖十七年題准邊軍關支本折數目

按明會典凡月糧嘉靖十七年題准各邊官軍該關折色月分不必拘定六錢之例務隨時損益以濟食軍其該關本色月分如在倉糧米數少照依時估放銀兩三個月存留倉糧以備客兵支用

嘉靖十八年題准快船甲夫月糧

按明會典凡官軍匠役俸糧嘉靖十八年題准快船甲夫月糧未差之時折銀貯庫候有差定數給與不得概與

嘉靖二十年准山東該運邊糧解部又准管倉官收放新舊本色

按明會典凡收掌支放二十年題准山東運司平廣等州縣每年該運邊鎮錢糧以後年分俱要解部轉發該鎮交納又題准各處撫按官并管倉主事今後所管倉場如有糧米草束積貯年久不堪支用者即

便酌量地方事勢緩急量將附近軍士每月每名帶支本色米一二斗草一二束存留新收本色以備支用

嘉靖二十一年令給保定守關軍及奠靖舍餘月糧

按明會典凡月糧嘉靖二十一年令保定官軍移守關隘者照見在常守軍士均給月糧一石本折兼支又令奠靖千戶所收過旗手等衛遇例投充當差舍餘該支月糧於京倉關支

嘉靖二十三年議准陝西新兵南京操江舍餘月糧及解運甘肅糧布折銀

按明會典凡月糧嘉靖二十三年議准陝西蘭靖所新兵尚在腹裏與極邊不同月糧每石定銀六錢俱於正月內具數奏發 凡官軍匠役俸糧嘉靖二十三年議准留守等衛選補操江官軍舍餘七百員名除官一十五員有原支俸糧外其軍人六百八十五名照成化二年投充軍役事例每月支糧一石并夏冬布鈔一體支給以便防守 凡解運折色二十三年題准陝西起運甘肅本色糧布每疋折徵銀二錢五分同該徵糧價解蘭州管糧郎中處驗收

嘉靖二十七年議准山西糧餉銀兩出納

按明會典凡收掌支放嘉靖二十七年議准山西鎮糧餉銀兩出納領以三關主事估計召買屬之馬門兵備其宣大二鎮守巡照舊分理錢糧

嘉靖二十八年定四川湖廣土兵行糧

按明會典凡行糧馬草二十八年議准四川湖廣征調土兵行糧照官軍例日支一升五合願支本色者月給米四斗五升支折色者給銀二錢二分五釐

嘉靖二十九年題准馬蘭谷等墩軍月糧行糧及防守賞格召買邊糧諸例

按明會典凡月糧嘉靖二十九年題准馬蘭谷太平寨燕河營密雲四路墩軍於正糧外各添二斗馬蘭谷等三路夜不收照密雲例再添一斗 凡行糧馬草二十九年題准密雲馬蘭谷太平寨燕河營四路墩軍俱以防秋為始自每年七月起至十月止計四個月每名每月添支行糧二斗及將馬蘭谷等三路夜不收行糧亦照密雲一路每名每月再添一斗連前共支三斗 凡賞賜二十九年議定漢達官軍防守賞格以事情緩急遠近歲月久速管住內外量為度數大約以五千里外一年以上為一等二千里外八個月以上為一等一千里外半年以上為一等五百里外三個月以上若達官達舍無糧操餘為一等多者每員給銀五兩三兩二兩少則每名止給七錢五錢三錢俱臨期疏請上裁其本鎮之內四百里以下若操練防守等項居常既有月俸糧草臨發又支行糧草料不得一槩比例 凡收掌支放嘉靖二十九年題准各邊錢糧無分主客俱守巡道召買管糧郎中稽察奸弊

嘉靖三十年議加貴州站軍鋪軍月糧

按明會典凡月糧嘉靖三十年議准貴州畢節赤水等四衛地方站軍鋪軍月糧除已加至七斗四斗者俱免加外其餘站軍月糧原係五斗者加至七斗鋪軍月糧原係三斗者加至四斗即行處給
嘉靖三十一年題准各軍月糧支給又定薊鎮銀米撥運收放糧料參罰及大同班軍行糧諸例

按明會典凡月糧嘉靖三十一年題准未安華營并守護陵寢官軍月糧防秋時月一體於昌平關支其餘月分并灑掃守陵官軍照舊 又題准將宣鎮官軍月糧俱照先年事例旗軍放支本色月分有家小者給與本色八斗隻身六斗餘糧及該支折色月分照舊折支至征操馬匹俱給本色全料 又題准官軍月糧春夏給與本色秋冬給與折色馬匹料草春季本色冬季折色著為定例 凡撥運本色三十一一年今薊鎮加添班軍糧米五萬六千一百八十八石於原額通太等倉撥運其搭蓋班軍營房銀兩行太倉并兵工二部動支 凡收掌支放三十一一年令保定客兵銀兩貴州監督主事收掌稽查買辦支放盡屬巡撫又令宣大管糧郎中及各巡撫凡遇召買一應鹽引并銀易主客兵糧草束斗頭斤重足色收受明白開列總撤文簿及內外版經各路各倉按季註銷仍照定擬秋成開報延至次年二月不完者管糧通判住俸六月終不完者管糧通判革去冠帶管事守巡道住俸督催中間拖欠數多至誤緊急軍餉者管糧通判起送赴部降級調用 凡行糧馬草三十一一年題准大同鞏回班操官軍照舊分為春秋二班每名月支行糧四斗五升照依軍武官軍支給事例每石給銀六錢三分

嘉靖三十二年題准餘丁應軍者月糧及三關官軍征調行糧

按明會典凡月糧嘉靖三十二年題准一應官下舍餘軍丁有願應軍者就開除本身尖丁銀仍發本戶夫丁二名永為供丁各衛屯軍有願應軍者就將原

納屯糧六石准作本身月糧餘六個月關支月糧六石遇閏加一石 凡行糧馬草三十二年議准三關鎮把總等官及跟官旗牌務遵弘治二年例如遇征調出百里之外把總若係都指揮支廩米三升領軍頭目不分指揮千百戶并旗牌官日支行糧一升五合事寧截日住支其各邊鎮主兵馬匹俱有屯田草場足以自給今後各巡撫清查責令各軍夏秋趁時牧放仍會同總兵官將年例秋青草東派軍採辦運赴該場上納以備冬春支用其民納召買草束止備客兵支用不得一槩靡費

嘉靖三十三年議定撥運隆慶等衛主客軍糧解運山西諸府折色腳價及江浙征調行糧

按明會典凡撥運本色嘉靖三十三年議准隆慶等衛所主客官軍月糧於三十四年原派密雲鎮主兵糧內改六萬石給運昌平鎮內四萬石准作主兵二萬石准作客兵隨宜支用其車馱搬運自張家灣至寬靖所查照密雲每十里給銀一分二釐就於隨糧輕齋及主兵銀兩內動支 凡解運折色三十三年議准大同鎮民運係山西平陽府等處稍遠地方准納折色量地遠近派增腳價或四錢三錢其附近二三百里并汾路遠沁俱納本色中間果係山路艱阻亦照前議將徵完銀兩齋赴馬門或關南等地方買辦本色赴鎮交收其寧武民運在河南山東北直隸者路多平易酌量多派本色其甚遠者皆令折徵照前派增腳價 凡行糧馬草三十二年題准蘇松浙江禦倭將士除百里內月糧自給外其餘征行調集百里外總兵參將守備都督都指揮等官日支米五

升千把總署都指揮等官日支米三升管隊官不分指揮千百戶并旗軍俱日支行糧一升五合馬匹俱料三升草一束如本色數少查照時價量折銀兩總兵恭將守備所部軍馬外有奏帶員役依例支給不許假以家丁冒費

嘉靖三十四年議准各鎮軍士月糧行糧之制

按明會典凡月糧嘉靖三十四年議准大同鎮所選夜不收二千二百餘名選留二千名准令每月除食糧一石外增小糧二斗照折色事例支給 又議准將真保二府折色糧改徵本色運赴陸磬新城浮圖峪等倉專備馬水口防守軍士上半年每月支本色糧六斗折色四斗照例折銀二錢六分下半年每石仍折銀四錢五分 又議准大同鎮官軍月糧除雜差本折照舊征哨官軍自正月至六月各月加本色米二斗并舊有本色三斗共五斗 凡行糧馬草三十四年議准將薊州密雲昌平一帶官軍征調遣出百里之外者准全給行糧五十里以外者係防秋之日果有賊勢壓境晝夜擺守間日一支若稍緩及非防秋之日即行停止五十里以下者離家不遠著令自備糧餉不准支給若果與賊對壘相持事勢急迫不能供送間支者暫准全支不支者暫准間支賊退即止 又議准馬匹除防秋四個月草料外五月六月每馬各月給貼料銀三錢十一月至四月照例料豆本色四斗折色五斗草每月給與十束 又題准延緩客兵行糧賊至百騎踰日不退雖在百里之內亦聽支給
嘉靖三十六年議准宣府礦兵月糧京營火器手行

糧

按明會典凡月糧嘉靖三十六年議准宣府鎮南山隘口東路召募礦兵二千名每日給米一升五合就於原備防秋客兵糧內支用仍每日量加鹽菜銀一分亦就折支銀兩動支至防秋畢日往支 凡行糧馬草三十六年題准京營并標下人馬選用火器手每軍每月月糧之外隨倉各支口糧二斗待練成歸營之日仍舊額止支本等月糧 凡收掌支放三十六年令三河子粒歸併通州原管客兵芻糧支用 嘉靖三十七年題定保定鎮邊等三城軍士本折月糧及南京官軍俸糧賞賜之例

按明會典凡月糧嘉靖三十七年題准保定軍士月糧每年大月該本色六斗舊例每斗折給銀七分折色四斗舊例共銀二錢八分今本鎮米貴大月本色每斗量加折銀一錢連折色米共給銀八錢六分夏冬為小月照舊折支銀四錢五分 又題准鎮邊等三城軍糧照古北口例上半年本折間支下半年折色如遇米貴量題加給 凡撥運本色三十七年令長陵等八衛軍士於華華城另建倉廩撥漕糧給散 凡解運折色三十七年令鎮邊橫嶺長峪三城邊軍比古北口塘事例於下半年折色內扣給 凡收掌支放三十七年令永平府并玉田等縣興州左屯等衛軍民錢糧俱聽永平府徵收轉給漢東軍士 凡官軍匠役俸糧三十七年題准南京戶部將二月十月官軍俸糧折色每石暫准放銀四錢又查庫貯折麥豆草鹽引等銀每年再展兩月折色酌量時價每石或作二錢五分或作三錢放給候倉庫充足

仍照舊例

嘉靖三十八年議定薊密等處主兵月糧又嚴勅管糧官恭罰

按明會典凡月糧嘉靖三十八年議准薊州密雲昌平主兵月糧不拘常例本折隨宜支放穀貴則給本色穀賤則給折色防秋之日將冬季馬料借支一月石門寨等區赴薊倉開糧路遠不便全改折色 凡收掌支放三十八年令裁革昌平密雲二處管糧主事改設郎中一員總理糧餉換給抄書關防協同兵備行事總兵以下悉聽總兵奏拿問其一應錢糧支移悉併貴州司掌行 又令給宣大二鎮分守參議肅勅一道每年會計歲運錢糧之後即於四月離鎮各赴山西地方催督所屬州縣主兵錢糧至十月方許回鎮年終通將完欠錢糧造冊繳部鴈門軍武偏頭三關通判各降關防一顆帶令管理軍需其前監收供億各衛經歷并州判縣丞等官盡行罷革
嘉靖三十九年題准遼東主兵遊兵四川松潘小河二衛軍士月糧及南京官軍俸糧
按明會典凡月糧嘉靖三十九年題准遼東寧前二衛主兵增添本色三箇月發銀管糧官過關買運收貯支給其二衛新設遊兵一千五百名行糧照主兵支給每石二錢五分如遇米貴加銀二錢又題准四川松潘小河二衛所見在軍士月糧除總旗月支一石小旗九斗并紀錄幼軍各支三斗照舊外其餘軍士有妻者俱支本色米八斗折色二斗無妻者支米五斗不許擅行增減中間如有老弱不堪操備者悉行查革犯罪徒以上者方許扣糧 凡官軍匠役俸

糧嘉靖三十九年題准南京戶部將節年題准見行事例逐一查復舊規施行各衛武職官員收俸襲替者以到任為始為事者以復職日為始優養優給并旗軍以兵部明文准行之日為始收幫各衛官軍每年二月十月分應支折色俸糧每石五錢其餘月分俱照本色每月不過初五日支放為事軍餘水夫以著役日為始參問者亦以著役日為始免問者以文書到日為始收幫運糧餘丁告收月糧自正月至六月告狀日以文書到日為始收幫若七月至十二月不許支糧其十一月十二月餘丁收糧以次年正月初一日上運日為始收幫操備舍餘收幫上操時以本部明文到衛日為始各衛軍餘告收妻糧母糧已經移支兵部候咨冊過部即與准給如咨冊在此月內送到本部即以次月初一日為始准其收幫若咨冊審造欠明本部該司仍行查取該衛印信結由如已明者免查供應機房人匠口糧雖遇小盡仍舊免扣通候五年照例總扣一月江淮濟川二衛水夫妻糧比照各衛妻糧事規聽兵部查的咨冊過部一體准給

嘉靖四十年議定薊州延綏等軍月糧及南京官軍絹布折銀例

按明會典凡月糧嘉靖四十年議准薊州鎮新舊家丁每名月糧一石一歲通給本色延綏大同五營挑練軍一千五百名遼保軍二千名挑選標軍一千五百名各月糧俱照舊本折兼支其合營操兵六千名行糧查照地里遠近應給全支半支各准給本色凡官軍匠役俸糧四十年題准南京戶部將武職每

年折絹軍士夏賞折布自四十一年為始仍照舊例每絹一疋折銀七錢半布一疋折銀二錢
嘉靖四十一年議准管糧官收放之例及前遼軍士行糧

按明會典凡收掌支放四十一年議准薊鎮客兵錢糧俱屬兵備道管理各兵備道將各營兵馬填寫格眼文冊如有調遣即開填調到日期某營軍數將領頭目姓名知會分司仍設印信號單給與將官收執支糧之期管糧衙門驗算明白照例本折開領又令順天軍餉凡屯糧民運鹽糧召買未完俱聽巡撫催督年終會計主兵部中會同巡撫同疏客兵巡撫會同總督同疏屯糧巡撫會同屯田御史同疏仍勅書添載著為定例 凡行糧馬草四十年題准薊遼曹家寨軍士專隨遊擊操練與別項班軍不同令照客兵行糧則例每月支米四斗五升
嘉靖四十二年議准各營軍士本折月糧又定鳳陽等八衛官軍俸糧

按明會典凡月糧嘉靖四十二年議准燕石二區軍士月糧薊州郎中隔遠不便管理改令永平原設管糧通判專管兵備督理仍聽薊州郎中稽查將永平府州縣及赤洋冷口等衛分額徵錢糧儘數給散二區并山海等衛官軍其不敷銀米聽薊州郎中將山東河南北直隸民運折色扣給原該發二區漕糧全留薊倉就近給軍 又題准薊遼各鎮官軍月糧不必拘上半年本色下半年折色之例先儘見在糧米給散不足盡改折色其折色亦不必更拘上半年折價六錢六分之例止照各處時估定價支散 又題

准通州參將營兵原係抵補山東民兵之數月糧除每月原支八斗外每年仍將山東解到民兵工食動支三千兩每軍各給一兩作每月增糧二斗之數永為定額 凡官軍匠役俸糧嘉靖四十二年議准鳳陽中等八衛官軍如應住俸聽參者漕運巡撫及巡按各御史併兵備道仍行分司主事知會凡遇各官住俸開俸務以明文到日補支其官軍師生庶壻等糧按月放給不許預支
嘉靖四十三年議准京城三大營及鳳陽昌平永平關支月糧諸例又定管糧職守薊鎮行糧及南京俸糧本折支放

按明會典凡月糧嘉靖四十三年議准三大營官軍每年春季三月夏季四月秋季九月原係通倉支糧者俱改於京倉其六月十一月係歇操月分原在京倉關支者改於通倉 又題准鳳陽倉儲缺乏將淮安稅銀暫准存留該府放給官軍月糧仍聽戶部管倉主事稽查 又議准昌平遊兵月糧防秋三箇月照舊將該鎮民運等銀給放 又題准永平添註郎中總理糧儲將燕石二區官軍月糧仍照舊例上半年通給本色下半年通給折色如該給本色月分遇年豐米賤軍士願照時估給支折色者聽或年荒米貴先儘本色如本色不敷照依上半年折色例在邊每石六錢五分在衛每石四錢 凡收掌支放四十二年令貴州司添註郎中一員總理永平糧儲兼管屯種各鎮管糧通判專屬郎中管轄撫按不得差委凡典革稽察俱會同巡撫施行 凡行糧馬草四十二年議准薊鎮各總兵官標下馬匹凡遇出征在夏

秋六箇月內支過行料回營免其扣除若在秋冬六箇月內既支行料不許重支月料各營有馬官軍春季三箇月每月給草三十束照例每束折價銀一分七釐遇有出征支給行草亦令截日住支 凡官軍匠役俸糧嘉靖四十三年令南京各衛官軍應支俸糧自嘉靖四十三年八月起至四十四年八月終止酌量彼中米價稍平之時將庫貯糧銀每石折銀五錢相兼支放存積在倉糧米以備支用其四十四年以後年分仍復本色運解南京戶部照舊支放 嘉靖四十四年題准燕石薊鎮等諸路月糧行糧及設官管理昌平錢糧

按明會典凡月糧嘉靖四十四年題准燕石二區軍士上半年月糧年豐在邊每石折銀四錢五分在衛折銀四錢五分及行馬太二區一體施行 凡行糧馬草四十四年議准薊鎮牆石古北三路地薄人稀每軍每月准支行糧三斗下住支 又題准遼東鎮所屬沿邊城堡哨守夜不收墩軍額數每名月支行糧二斗 凡收掌支放四十四年復設昌平主事管理三路兵馬錢糧其管糧通判仍駐居庸併理三區關事密雲郎中仍專理密雲糧餉 嘉靖四十五年題准通州五衛開收月糧例又定各鎮主客兵銀兩數目及京軍布花南京馬步口糧 按明會典凡月糧嘉靖四十五年題准通州五衛凡開收月糧本衛先將應收緣由保勘同本官軍解通州參將查驗批發該衛填註新收項下方行衛所收糧每月糧冊印鈐送部凡事故應開俸糧本管官將原由申報參將批行該衛明註項下截日扣除季終

經歷司將前項號簿送參將查對倒換仍聽坐庫等官巡倉御史查訪參究 凡京連年例嘉靖四十五年令宣大山西除民屯鹽引外每年主兵發銀一十五萬兩客兵一十三萬五千兩薊州鎮主兵馬太二路共銀五萬六千三百八十八兩永平鎮燕石二路共銀四萬八千六百七十二兩密雲鎮主兵共銀三萬三千九百二十四兩昌平鎮銀一萬兩又令各鎮除民屯鹽引外每年延緩主兵發舊例銀一十九萬五千七十九兩九錢八分新增料銀二萬二千一百八十五兩二錢三分客兵八萬兩寧夏主兵二萬五千兩客兵二萬兩甘肅主兵二萬二千九百二十二兩八錢一分固原主兵銀五萬兩以後各視此為準 凡收掌支放四十五年議准易州良涿等處一歲客兵易州鎮發銀五萬四千兩良涿二處發銀五千兩真定府所屬州縣發銀三千九百七十兩專備該年客兵本折支用奇兵達官一營新兌馬一千匹行易州主事春冬二季草照宣大事例每月每匹一十束料照回營事例每月每馬大月九斗小月八斗七升俱於該鎮主兵民運銀內通融支給 凡賞賜四十五年令給賞京衛軍士布花照舊各委司屬官一員會同科道協理給散 凡官軍匠役俸糧四十五年題准南京比例撥馬步軍每夜責令跟隨各該巡捕委官巡緝每步軍一名月加口糧三斗照例折銀一錢五分每馬軍一名月加糧料銀二錢巡捕餘丁每名每月量給口糧二斗 穆宗隆慶元年題准直宿官軍邊軍墩軍等月糧及昌平等主客軍銀兩數目

按明會典凡月糧隆慶元年題准旗手等二十衛直宿官軍遠赴通倉支糧不便每月備造實支糧數文冊送部割付下糧廳逐月坐撥京倉庫口關支 又題准鎮武西平西興西寧四堡邊軍月糧上半年支本色鹽糧內給放下半年折色京運銀內支給 又題准墩軍夜不收較之操軍獨苦夜不收每名加米三斗墩軍每名加米一斗 凡京連年例隆慶元年議准昌平鎮主客兵該銀一萬兩末安華華四營軍士防秋三箇月月糧銀該一萬六千二百兩增入會計之數 隆慶二年題准昌平薊州各營月糧又定戎政府管糧軍官及薊遼行糧陝西布花等例 按明會典凡月糧隆慶二年題准昌平鎮永華昌標四營軍士月糧春防有警就昌平居庸二倉關支無警同夏冬二季赴京倉關領其薊州等鎮月糧酌量豐歉米貴給以本色米賤給以折色通算一軍一年不失本折各半成規三屯營太平寨路遠地方務要多買米石就近給放 又隆慶二年題准戎政大臣將營中各項銀兩仍入庫收貯就於營操官內選擇廉幹者一人專司其事凡遇犒賞公費量數給發其椿朋銀兩依期呈報戎政衙門貯庫季終差官類解太僕寺庫仍置文簿付本官收掌逐一登記錢糧如有侵漁聽巡視科道不時參論 凡行糧馬草隆慶二年題准薊遼巡撫新募軍馬自隆慶二年正月為始照例一體給行糧草束本折兼支 凡賞賜隆慶二年題准陝西西安鳳翔二府州縣戍派甘肅鎮賞軍布花改徵折色仍照三分之一給賞如或徵解愆

期使尅誤事聽撫按及管糧郎中照近奉欽依完欠分數降級住俸事理參究

隆慶三年題准忠順軍布花又三河守城薊州主兵等月糧及四川起解年例各邊防秋事宜

按明會典凡月糧隆慶三年題准薊鎮新選忠順軍

月糧料草布花等項該鎮巡撫查各地方有年額可

動銀兩分解天津易州收貯給發永爲定規如有不

足戶部於京運銀內補足又題准三河守備下城

操舍餘見在守城操備每年每月支糧六十隨興營

二衛造冊送通州關支每年冬亦准支冬衣布二疋

折銀五錢綿花一斤八兩折銀九分又題准薊州

等鎮主兵月糧每歲除下半年照舊折色外上半年

本折各三箇月其折色價銀不拘在邊六錢五分在

衛四錢之例隨歲豐歉估給如遇有閏照此扣散地

方寫遠者給折色八分本色二分至於客兵除緊急

關支本色外若無調遣亦照前例支給凡京運年

例三年令四川撫按贖罰并稅契開納事例黎雅茶

稅鹽課魚課等銀通共一十萬四百三十五兩二錢

零應該起解太倉改解陝西延寧甘固四鎮將太倉

通年應發年例銀兩照數扣雷又令陝西撫按巡茶

衙門每年贖罰與布政司開納事例銀兩俱聽存留

轉解延綏鎮准作本部應發年例凡行糧馬草三

年題准各邊防秋事規自八月以後各邊應用軍夫

逐一查明暫於主客免調省下兵餉銀內量行支給

行糧

隆慶四年定陝西解運客餉各鎮揭報冊籍又各軍家丁布花及南京錦衣官軍俸糧

按明會典凡解運折色隆慶四年令陝西西漳二縣將額解花馬池鹽引銀每年二千餘兩改貯蘭州專

備客餉凡收掌支放隆慶四年令各鎮郎中主事

揭帖冊籍所報俱要於實在內明載發商銀總若干

買米豆草束若干有無完欠細數凡各官任內如有

拖欠雖陞遷不許離任免至彼此推諉凡賞賜四

年題准每年各軍并家丁該給布花數目俱限九月

初造報月終給散竣事如過期聽該科參究凡官

軍匠役俸糧隆慶四年議准南京錦衣等衛所官軍

應支本年二月份俸糧放本色一箇月待夏秋之後

米價稍平聽該部補放折色一箇月以後年分應給

本折月分查舊例支給

隆慶五年定限薊鎮等兵馬錢糧數目報部及支放

行糧又准各邊管官軍俸糧開給諸例

按明會典凡收掌支放五年令永平薊州密雲昌平

兵備道協同管糧郎中主事將各鎮主客兵馬數目

覈實細開應支錢糧年終將放過數目造冊送部查

考其解到漕糧并援例米石俱編立字號另版收貯

以備日後支放又令薊鎮各兵備新置長單分發

各將領填註應給主兵行糧料草及軍馬支過數目

繳該管兵備道類繳查盤御史歲終查覈有濫支者

從重參究其督撫官于防秋畢日將主兵行糧另立

款目具奏并將任內查過冒濫催過民屯所積本折

銀米開註各官項下其積銀米數目多者該部查照

邊功論叙凡行糧馬草五年題准薊鎮未昌密四鎮

兵馬調遣百里之外者全支行糧料草五十里內外查照原題有無晝夜擺守與賊對壘分別支給如係

平常不許一槩濫支又題准新選通州五衛軍士

照常支米八斗若遇調遣一體關支行糧其新領馬

三百匹比照舊馬二百匹事例每年春冬二季止給

料喂養凡月糧隆慶五年題准各邊營通丁查係

投降真裔月糧之外再加五斗於臨倉扣除軍糧銀

內支給其軍餘投充不許一槩濫加又題准各邊

管管事官員糧俸俱在原衛造支不許隨管隨路關

支但各官身處邊關者折價照在邊例支給其標下

存操募軍糧布花查原係某鎮項下者即各另自

造冊赴本管兵備道掛號送管糧郎中坐支不許仍

前借名代造又題准各路營衛所造支糧俸料草

行各該兵備道查照往收日期行管糧衙門知會各

該掌印官明白開報完日同原行劄案齎赴該道查

覈方送管糧衙門坐支又題准大同鎮一等真裔

除正糧外每名每月准給米五斗另給銀三錢次等

通丁每名每月止准給糧五斗以上本折俱照例兼

支又題准將興州薊州營州各衛月糧原在通倉

者并折俸布花料草俱赴彼坐支原在密倉者造冊

赴兵備道查明轉送該鎮管糧衙門坐支其應支錢

糧與應扣補各鎮錢糧候五年終會計歸併

隆慶六年議准春秋防軍及各項軍人口糧布花又

定各鎮糧買估價錢糧收放贖罰銀兩及三關防秋

行糧

按明會典凡月糧隆慶六年議准分布春秋兩防月分及加百總守臺工食該鎮分布舊例春防三箇月秋防四箇月今議入衛官軍延綏二枝寧夏一枝每年以十箇月爲期其餘宣大遼東保定標兵及各班

軍撥官總軍馬俱以八箇月為期各路傳烽軍士各標營分路防守軍兩防以四箇月為期其南兵守臺百總工食原與衆兵同今計在邊八箇月每日准加銀一分撤防仍舊 又題准神木黑窯二廠軍夫每名准支月糧四斗口糧二斗上林苑監南海子不分京衛外衛一例在京支糧四斗其冬衣布花俱照京衛事例在京支給仍行劃永密昌四鎮但有衛所冊籍開載二廠苑海等軍名色盡數開除 凡糴買召納隆慶六年令各鎮管糧郎中等官以後撥送赴邊援例員役投劄到日各照彼中時估責令自行買納米豆如該鎮米多豆少亦准令查照時估買豆上納查果倉口寫遠轉運艱難即時估中酌量計算以資脚費完日即出實收付繳務查緊要缺糧倉口管糧官親自定撥 凡收掌支放六年令戶部將應發各鎮銀兩管銀庫官先將銀五百兩眼同解銀委官秤兌平準該庫印封即作法馬併付解官其應發銀兩解官自行敲對將號簿內明開某輔輕重有珠無珠中錠若干兩送部驗封用部印鈐蓋令解官齎赴該鎮各鎮郎中主事如遇解到前項銀兩先驗明白即以銀為法馬逐鞘秤兌查對發去號簿相同方許出給實收中間若有輕假即將原銀寄庫將解銀委官留住據實參奏以憑查覆重處若該鎮仍照常抽鞘驗兌及原不足數朦朧出給實收以虧商虧軍戶部參治仍責令管糧郎中等官賠償 凡京運年例隆慶六年議准行陝西各撫按將本年二限應解贓罰銀兩查係甘肅巡按者解蘭州山西撫按者解三關宣大遼東巡按者各解本鎮河東巡鹽者在陝西

解延綏在山西解三關各管糧衙門交收以抵各鎮下年應發年例之數通候年終具數報部扣算年例 凡行糧馬草隆慶六年議准三關秋防各營馬匹每月原額料豆九斗照依彼中時估准各給折色止許一月若遇有征調例當支給行糧料草不許折支神宗萬曆元年定陝西起運邊糧銀數 按明會典凡解運折色萬曆元年令陝西河州起運西寧倉秋糧銀一千一百四十一兩二錢四分固原州倉夏稅糧銀一百六十二兩九錢二分五釐四毫九忽廣積庫夏稅銀一百五兩俱存留河州倉補給參將營軍士月糧支用將鎮原縣起運一條城堡倉秋糧一千六百兩內撥一千四百九兩一錢六分五釐四毫九忽以補西寧固原廣積各倉庫前項之數餘銀一百九十九兩八錢三分四釐五毫九忽仍作一條城堡倉徵解蘭州廣積倉上納仍各註實徵冊內以為常額未為遵守 凡收掌支放萬曆元年令蘭州一帶主客兵錢糧比照前遠各鎮事規總屬郎中管理與臨鞏兵備互相覺察 萬曆二年題准錦衣各衛所月糧支給及延寧等鎮管糧收放之例 按明會典凡月糧萬曆二年題准錦衣等各衛所以後造報月糧文冊并照會以投文日為始領勘合日止計在三日事完下糧廳隨將糧冊送照磨所磨對各衛所委官隨將所領勘合赴東官廳比同即日發倉支給如有逃故軍士支出月糧著各該委官隨即檢舉 凡收掌支放二年令延寧二鎮并延慶二府一應主客兵馬俱屬延綏在蘭州洮岷靖遠固諸

處者俱屬蘭州各管糧郎中兼理凡遇出納名買該道掛號定價郎中收放互相參考 萬曆三年定山西鎮東路堡軍月糧 按明會典月糧萬曆三年題准將山西鎮東路盤道梁等四堡軍每名原支月糧八斗再加二斗共折銀六錢三分新改撥步軍每名原支月糧八斗再加一斗于主兵逃故數內支給 萬曆四年改給興州中後屯軍月糧 按明會典月糧萬曆四年題准將興州中後二屯衛官軍俸糧布花料豆俱改密雲鎮關支月糧上半年本色四箇月該鎮支給折色二箇月每石六錢五分下半年俱支折色每石四錢五分并俸布料銀每年同年例類發 萬曆五年令貴州以贓罰充餉及京營月糧 按明會典凡京運年例萬曆五年題准貴州撫按贓罰銀兩存留本處軍門抵作新添標兵軍餉之用 凡月糧萬曆五年題准京營軍士以後非遇有警將守城兵口糧一斗悉行革免戰車二兵防秋口糧一例支給三斗 萬曆七年定中都等三都司班軍行糧及京衛給賞事例 按明會典凡行糧馬草萬曆七年題准中都河南山東三都司班軍行糧每班各給本色三箇月折色三箇月俱以到京實數實日造支 凡賞賜萬曆七年見行給賞事例在京衛所旗軍力士校尉將軍冬衣布花該賞綿布一疋者支與本色二疋者內一疋支與本色三疋者內一疋支與本色其餘每布一疋折

與舊鈔五錠綿花俱支一觔八兩其南京各衛所軍士人等該賞布鈔照在京事例各于該庫關支給賞俱不支綿花 又按會典凡月糧萬曆七年題准四月十月俱係軍士開造之日起通倉關米有誤隨查查將通倉應放本色六月十一月俱改坐京倉四月十月仍給折色如遇米貴則停止折色改放本色臨時酌行題請

萬曆八年題定衛所軍士賞給

按明會典凡賞賜萬曆八年題准凡衛所軍士臨賞離伍逃故犯罪革役在臨賞二月以前已有戶丁補役者俱照舊例扣畱外如小事牽連一時不到及年老革役病故在臨賞二月之內者免其扣畱其在外衛所并各邊鎮軍士自萬曆九年以後賞賜照舊給以折色間有原係本色者仍給本色著兵備守巡選委鄰近府佐及州縣正官親自包封給散臨賞扣畱事例悉照在京一體遵行

萬曆九年題准遼東防軍月糧及派保定解運例

按明會典凡月糧萬曆九年題准遼東兩河防守軍月糧每名每月原給銀二錢五分今再加銀一錢五分 凡解運折色萬曆九年題准添設密雲站軍一千名該月糧銀五千九百八十兩除各軍原有月糧布花等銀二千三百五十一兩二錢照舊湊支外尚少銀三千六百二十八兩八錢每年于保定府存留支剩稅糧銀內照數解部轉發易州鎮補給

萬曆十年題准保定騎營草料于存畱銀兩動支

按明會典凡解運折色萬曆十年題准保定騎營新買完馬一千五百匹每年除在永平六箇月外春冬

回至保鎮該添草料銀四千一百三十七兩七錢五分自本年為始於保定府存畱支剩銀內照數動支徑解易州鎮交收如在水鎮多支一日在易鎮扣支一日不許彼此重支

欽定古今圖書集成經濟彙編戎政典

第二百三十九卷目錄

兵餉部彙考五

皇清 順治十七年 康熙三十一年



戎政典第二百三十九卷

兵餉部彙考五

皇清

順治元年

大清會典籌餉裕兵爲

國計之最要凡八旗滿洲蒙古漢軍及綠旗官兵
兵丁馬匹數目詳見兵部其歲需俸餉銀米草
料或支本色或名買或折乾俱由戶部酌定題
請撥給至在外戍守兵餉有本省派撥者有他
省協撥者其收支有法操賞有額優給出征運
糧腳費扣除建贖俱有定例 在京兵餉順治
元年題准八旗前鋒護軍撥什庫甲兵每名月
給餉銀二兩匠役每名月給餉銀一兩 又定
凡已撥給响地之人冒稱新到重支口糧地畝
者佐領驍騎校革職都統副都統罰俸兩個月
凡出征官兵支給順治元年定護軍撥什庫
出征者家口月給餉銀之半 凡收支撥給順
治元年題准部撥該省餉銀由布政司轉發駐

防兵馬處支給 又令各處兵糧戶部酌定題
請截留漕糧支給如遇京城需米仍令漕糧起
運其兵糧就近地方採買供應 又定各鎮馬
兵月給餉銀一兩五錢步兵月給餉銀一兩
凡轉運軍需及腳價順治初定官兵駐防處所
附近州縣運草束稍遠州縣運米豆二百里內
解本色五百里外本折各半 凡侵尅兵餉順
治初定該管官扣尅兵餉已經具告該將軍不
行審理者降一級留任罰俸一年副都統罰俸
一年

順治二年

大清會典在京兵餉順治二年定滿洲蒙古甲兵月
給餉米有差 又定聽事人役月給餉銀八錢
又定覺羅披甲者月給餉銀三兩 凡收支
撥給順治二年定駐防關口及外省甲兵月給
餉銀一兩 又議准各鎮兵丁自備馬匹編入
管伍騎操者給與草料各官自備馬匹不歷行
伍差調者不得槩給

順治三年

大清會典凡收支撥給順治三年覆准各鎮馬匹日
支豆四升草一束 又令八旗兵丁駐防遠地
每名月給米五斗

順治四年

大清會典在京兵餉順治四年題准新歸旗內滿洲
蒙古漢軍兵丁未經撥給地畝照例折給馬乾
銀兩 凡收支撥給順治四年令部員往各省
專司餉務 又題准各鎮馬戰兵月給銀二兩

步戰兵月給銀一兩五錢守兵月給銀一兩馬
乾草料照例按季開支春冬有草料處每匹月
給料九斗草二十束每束重七觔無草料處月
給乾銀一兩夏秋有放青處月給乾銀五錢無
放青處月給乾銀九錢 又題准各鎮兵丁無
論主客戰守馬步每名月給米五斗與餉銀按
季同支 凡操賞銀兩順治四年題准督標每
年操賞銀二千兩撫標每年操賞銀一千兩

順治五年

大清會典凡收支撥給順治五年令各督撫於題請
兵餉疏內明列該省額徵錢糧見在實數及兵
馬歲需餉乾數以便部撥 又議准調征馬戰
兵每月留餉銀一兩步戰兵每月留餉銀五錢
外各加給米五斗贍養家口如家口有事故及
兵丁有逃亡事故者即開報住支 又題准各
鎮兵有米處支米無米處照時價折給 又定
放餉俱用倉斗各鎮兵每丁月給米三斗駐防
八旗兵每二口月給米五斗 又覆准各邊撥
給屯糧其不產米地方以小麥照數抵兌 又
覆准浙江駐防兵馬仍支本色綠旗兵馬無論
春夏月給乾糧一兩 又議准各鎮兵馬日給
草二束 凡轉運軍需及腳價順治五年題准
大兵征剿需用物件運送倒斃牲畜俱價給價
值 凡操賞銀兩順治五年題准提督每年操
賞銀一千五百兩總兵每年操賞銀一千兩專
城副將每年操賞銀四百兩

順治六年

大清會典在京兵餉順治六年定步兵月給餉銀一

兩 凡收支撥給順治六年議准嗣後官員及甲兵倒斃馬匹永停賠給價值 又覆准福建兵馬月給乾銀一兩

順治八年

大清會典凡收支撥給順治八年議准駐防官兵既按口支放糧餉草料其行月錢糧未行停止

凡考成順治八年

諭餉銀關係軍前急需撥過銀兩遲延不解者該督撫等官一併叅處 凡召買順治八年議准兵馬經過需用草料預行該督撫查照所到地方分派置辦悉依時價給發其應用錢糧或由部發或動支本地解項一切出入該督撫詳核報銷

順治九年

大清會典在京兵餉順治九年增給前鋒護軍每名月餉銀三兩 凡奏銷兵餉順治九年覆准各省鎮兵馬錢糧及缺額小建裁贖還官銀兩令督撫每半年造冊報部稽核 又題准大兵所駐地方動支銀米豆草令取滿字領文以憑核銷 凡建贖朋銀順治九年議准令各督撫清查缺額小建裁贖還官等銀每兩季奏報一次

順治十年

大清會典在京兵餉順治十年增給撥什庫每名月餉銀三兩 凡出征官兵支給順治十年議准出征親王月給銀二百兩郡王一百兩貝勒五十兩貝子四十兩公二十五兩侯伯都統二十

兩

兩副都統統領精奇尼哈番十四兩署副都統統領夸爾阿思哈尼哈番學士十兩參領阿達哈番侍讀學士七兩署參領拜他喇布勒哈番郎中五兩佐領前鋒侍衛拖沙喇哈番員外郎主事四兩五品官護軍校驍騎校委署官六七品筆帖式三兩其所轄職大品小者照職支給若品大職小者照品支給永著為例 又覆准出征官兵經過州縣照現在馬數每匹日給草一束 凡收支撥給順治十年覆准調征兵丁月餉俱令軍前全支家口止給月糧三斗

凡侵剋兵餉順治十年議准文職官有侵剋兵餉遲延不發者總兵官呈會督撫糾叅如督撫復行遲悞許總兵官具奏如督撫總兵互相容隱許將領具疏奏聞

順治十一年

大清會典凡出征官兵支給順治十一年議准官兵春冬出征每馬一匹日支料八升草二束間住時日支料四升草二束夏秋出征日支料六升草二束間住時日支料三升草一束 凡收支撥給順治十一年議准全撤各省司餉部員

又覆准各督標兵馬三步七俱為戰兵馬兵月支餉銀一兩五錢步兵月支餉銀一兩俱月支米三倉斗無米折給銀四錢 凡轉運軍需及腳價順治十一年

順治十二年

詔大兵經過養馬地方運送糧草腳價准銷正項錢糧

順治十二年

糧

大清會典在京兵餉順治十二年令步兵撥什庫月給餉銀一兩五錢 凡出征官兵支給順治十二年題准出征月支行糧親王八斛郡王六斛貝勒四斛貝子三斛公二斛侯伯都統一斛二斗副都統統領精奇尼哈番署副都統統領夸爾阿思哈尼哈番學士一斛參領阿達哈番侍讀學士署參領拜他喇布勒哈番郎中四斗佐領前鋒侍衛拖沙喇哈番員外郎主事委署官筆帖式三斗護軍校驍騎校護軍撥什庫披甲人役每二名支米一斛 凡收支撥給順治十二年題准甲兵皆給月糧若出征給與行糧月糧止給一半 又議准各標兵馬有放青地方春冬月給乾銀九錢夏秋月給乾銀五錢無放青地方春冬月給乾銀一兩二錢夏秋月給乾銀九錢 又題准各兵調征自備馬匹當陣傷斃者照例補給其他倒斃者不准補給

凡奏銷兵餉順治十二年題准各省兵馬錢糧奏銷直隸山東山西河南陝西限次年二月終江南浙江江西湖廣限三月終福建四川廣東廣西限五月終雲南貴州限六月終到部該督撫司逾限者叅處 凡召買順治十二年覆准大兵養馬處所酌量地方通融協濟動支正項錢糧赴鄰近米草充裕地方召買 又覆准自後官兵夏月應用草束照數辦買稻草供應不得強雇民夫割青 凡操賞銀兩順治十二年題准坐鎮總兵給與操賞其在行間征剿者不准支給 凡建贖朋銀順治十二年議准各省

順治十二年

順治十二年

順治十二年

順治十二年

順治十二年

順治十二年

順治十二年